


卷十一

書名 錦繡萬花谷續集四十卷 嘉靖十五年
序錫山秦汴鑄石書堂刊本後修
撰者 宋 闕名 撰
卷 卷十一
內容分類 子-類書-彙考-宋
索書號 大木-子部-類書類-31
編號 C5924800



錦繡萬花谷續集卷之十八



類
表

後進領袖裴秀八歲能屬文時語曰後進領袖有裴秀

後爲司空 晉本傳

玉山人裴楷以清通用爲吏部郎時人稱見裴叔則

如近玉山映照人也 本傳

裴松之博覽墳籍立身簡素宋武帝克洛陽

松之行事武帝曰松之廊廟之才不宜久居邊務

裴駿魏太祖曰駿有當世才其忠義可嘉補
洗馬轉中書侍郎 南史

裴駿魏太祖曰駿有當世才其忠義可嘉補

崔浩目爲三河領袖宋使來聘以駿有才學

彩色圖頁1
東洋文化研究所漢籍目錄 編號: C5924800
東洋文化研究所漢籍目錄所藏漢籍善本文影像資料庫 索書號: 大木-子部-類書類-31
漢籍善本文影像資料庫文本 錦繡萬花谷續集四十卷 嘉靖十五年序錫山秦汴鑄石書堂刊本後修
版權所有: 東京大學 東洋文化研究所
使用上的注意事項

有衰翁坐釣魚

出杜牧詩
安詠景

光州定城

固始

光山

墮玉鞭

固始縣北有龍塘世傳漢高祖從此遁去墮玉

鞭塘中

題詠

黃河遠出郡城樓樓入黃南城上頭天闊星連翼

軫分地長川帶漢江流

出趙孟頫詩
黃城

此堂縱逐人俱廢亦

有陽冰篆字存

出張紫微詩
在光山縣西

佩蘭隱者今何在煉

杏仙翁去不還

始出縣有抱朴子仙迹

錦繡萬花谷續集卷之十

錦繡萬花谷續集卷之十一

成都府路

成都

新繁

華陽

郫縣

新柳

靈泉

蠶市藥市

成都市蠶叢國其民重蠶事一歲之中二月

望日蠶花木蠶器於其地者號蠶市五月蠶香藥於官

街號藥市蠶器用者號七寶市

靈關王壘

蜀都賦豁靈關以爲門包王壘以爲宇帶二

江之雙流抗我眉之重阻

桐花鳳桐花中有小鳥紅翠碧相間生於花間人畫桐

花鳳扇者此也

石犀壓水恠

去城之二十五里有犀浦太守李冰作五

石犀沉江中以壓水恠

題詠浣花溪水西頭主人爲卜林塘幽已知出郭少

塵事更有澄江銷客愁

出杜甫上居浣花溪在城西拾五里亦名百花潭蜀之勝地

遺流落錦宮城故人作尹眼爲青碧鷄坊西結茅屋百

花潭水濯冠纓

出山谷浣花溪圖

萬里橋南宅百花潭北莊層

軒皆面水老樹飽經霜雪嶺界天白錦城曛日黃惜哉

形勢地回首一茫茫

出杜甫萬里橋詠在成都之東諸葛亮送費禪聘吳至此日萬里之

路始於此矣

君不見昔日蜀天子化爲杜鵑似老烏寄巢生

子不自啄羣鳥至今爲哺雛

出杜甫詠望帝祠在州西五里

天下英雄

氣千秋尚凜然勢分三足鼎業復五銖錢得相能開國

生兒不象賢淒涼蜀故妓來舞魏宮前

出劉夢得詠先主廟在府南八

里丞相祠堂何處尋錦宮城外栢森森映堦碧草自春

色隔葉黃鸝空好音三顧頻繁天下計兩朝開濟老臣

心出師未捷身先死長使英雄淚滿襟

出杜甫題武侯廟

文章世所知相如閑麗冠當時游人不賞凌雲賦只說

琴臺是故基

出田況

雪下文君酤酒市雲藏李白讀書

山江樓酒恨黃梅後村落人歌紫芋間

出鄭易覺錦城

銷白日難歌蜀道上青天雲敷牧野耕桑雨柳拂旗亭

市井煙

出薛

西蜀稱天府由來擅沃饒雲浮玉壘夕日

映錦城朝南尋九折路東上七星橋

出盧

蒙頂茶畦千

點露浣花牋紙一溪春揚雄宅上惟喬木杜甫臺荒絕

舊鄰○文翁室暗封苔蘚諸葛祠荒享豆籩

並出鄭谷

九天開出一成都萬戶千門入畫圖○錦水東流繞錦城星

橋北挂象天星

並出李

遠煙鹽井上斜景雪峯西○窓含

西嶺千秋雪門泊東吳萬里船○經心石鏡月到面雪

山風○東郭蒼江合西山白雪高○劔閣星橋北松州
雪嶺東並出杜甫似知金馬客時夢碧鷄坊出東坡萬里橋西
萬里亭錦江春漲與堤平出大防朝暮岷山秀東西錦水
流出吳中復遊琴臺故地

崇慶府晉原 新津 江原 永康

繩橋永康縣西之八里上有院前有繩橋乃古王仙柯
燒丹之處

真仙聖池永康縣西四十里世傳昔有女子於此上昇
有真仙洞聖水池有燒藥爐

三千官柳蜀人謂唐女有云三千官柳四十琵琶劍南詩藁

題詠錢子西南望煙綿劔道微橋寒金鴈並林曙碧鷄

飛出宋之問望極春城上開筵近鳥巢白花簷外朶青

柳檻前梢池水觀爲政厨煙覺遠庖西川供客眼惟有
此江郊出杜甫伐竹爲橋結構同寒衾不涉往來通

天寒白鶴歸華表日落青龍見水中出杜甫觀造竹橋

訟庭多雨綠苔荒勝事閒隨日月長水足野田芸鼓急
風回山焙茗旗香雪峯見處朝初霽秋暑消時夜未央

表出國市柳風煙慘汀蘋歲月催出蜀風威帶雪連秦樹

山勢將寒入蜀門出張

簡州湯安 平泉

四出大魁王歸僞蜀時狀元皇朝許將張孝祥及許奕

皆此邦之人凡四出大魁出山圖賴簡池臺兩蜀誇東溪別是一仙家令人却憶康

王谷坐看珠簾濺雨花

出姚華詩東溪碧波亭

從來只說情難盡

何事教名情盡橋自此改名為折柳任教離恨一條條

出唐陶雍刺史改情盡橋為折柳在朝天門外

城下江流金鴈水亭中人弄玉

絃琴

出禁參差草樹連巴國依約雲煙遠楚臺

城好處西州無兩江回合東南隅

出程

簡州何處景最

佳東溪清溪人盡誇

嘉定府

龍遊洪雅

夾江

犍為

峨眉

脩油卜故事

金燈山趾有淵每歲人日郡守於此脩油

卜故事謂以油灑水面觀其紋驗一歲之豐歉

題詠

蛾眉山西雪千里北望成都如井底春風日日吹

不消五月行人凍如蟻

出東坡詩大峨眉山縣南五里蛾眉山月半

輪秋影入平羌江水流夜發清溪向三峽思君不見下

渝州

出李白蛾眉山月歌

清奇絕妙東坡老方響名高太史公水

遶烏尤談笑外江連洪雅畫圖中

出黃然詩洪雅亭在方景樓前

眉州

眉山

彭山

丹稜

青神

老嫗磨杵

昔李白讀書於象宜山中未成棄去過小溪

逢老嫗方磨鐵杵問之曰欲作針太白感其意還卒業

姬自言姓武今溪傍有武氏巖

繫龍

舊經後漢漢安元年仙人瞿君武入蛾眉山得道

乘龍還家每往來繫龍于潭故名其潭為繫龍潭

題詠

卜田向何許石佛山下路下有衲家川千畦種杭

稂山泉宅龍蜃平地流膏乳

出東坡詩石佛山在眉山之南古寺無人

僧作佛碧潭有水魚化龍當年諾矩小遊戲一石擊破

成三峯

出馮可當題三峯在青神縣

玻黎江上柳如絲行樂家家要

及時只恠今朝空巷出使君人日宴墓顚出陸游詠蜀

名坡一章何罪死何名千載惟君與屈平從此蜀江煙

雨夜杜鵑應作兩般聲出裴徹題孟拾遺在墓顚山歲月不知老家

有雛鳳凰百鳥戢羽翼不敢呈文章出堯梅臣題蘇老

三十劍門倚清漢君昔未曾過日暮行人少山深異鳥

多狎啼和峽雨棧盡到江波一路白雲裏飛泉灑薛蘿

出賈島送眉膠西高處望西川應有孤雲落照邊瓦屋

寒堆春後雪蛾眉翠掃雨餘天出東坡寄江山秀氣聚

西眉人有儒宗學有規出李績想見青衣江上路白魚紫

笋不論錢○吾家蜀江上江水綠如藍並出東坡蜀道盤行

去不迷故園猶在武陽西○巢鳳閣邊勞遠夢繫龍橋

下認前題並出麗籍蛾眉向我笑錦水爲君容出東坡綠

荷紅菱香四合誤入芙蓉城裏來出石

隆州仁壽 井研 貴平籍

飛泉湧出隋仁壽元年獠亂百姓城於山頂避亂其上

無水百姓致禱飛泉湧出由是建廟於山頂立二碑以

記其靈

剛鐵井研縣之東北六十里其山出鐵諸葛亮取以爲

兵器其鐵剛利堪充貢焉

題詠陵陽郡事全稀少嬾守長贏半日間晚後須來上

高閣就中無厭是雲山

可笑山州爲刺史寂寥都不似州城若無書籍兼圖畫

便不教人白髮生並出文愈可

彭州 九隴 崇寧 涿陽

題詠 彭門劍閣外號略鼎湖旁荆王釵頭冷巴牋染翰

光豈異神仙宅俱兼山水鄉竹齋燒藥竈花嶼讀書床

出杜甫寄彭州高使君 天彭信方隅城勢誠斗絕出唐蘇頌 盛夏五月

西南行彭山劍門蜀山裏出高適

漢州雜縣 什邡 綿竹 德陽

樓臺金碧 庚除山二十四化之一山有石室三國初有

霽雲子者入洞中見樓臺金碧門者呵止之曰子凡骨

可亟去不然及禍霽雲子回後再入石洞遂迷故道在

綿竹縣

題詠 酒壓耶筒憶舊酤花傳丘老出新圖此行真勝成

都尹直爲房公百頃湖出穎濱詠 西園勝槩名天下唐

相經營用意工島嶼回環壓湖面樓臺重複倚雲空濯

纓泉潔存遺跡促軫亭空想舊風公暇未應無客會

遊更喜與民同出程珣詠濯纓亭在什邡縣之水陸院 高流經峻隅城下

緬丘墟決渠信浩蕩潭島成江湖結宇依回渚水中還

可居三伏氣不蒸四南暑自徂出房琯 金鴈橋南二頃

湖房公遺跡未湮蕪人遊杜牧晚晴賦境對王維別墅

圖○廣漢有姜子孝弟行里閭赤眉雖狼虎弛兵過其

墟至今空清泉無復雙鯉魚出東坡題 北來初入漢州

城郭邑樓臺觸目驚松桂影中旌旆色芰荷風裏管弦

聲出唐韋莊 西湖多勝景飛蓋喜相陪暑氣迎秋盡江聲向

夕來出程琳 一頃煙波四面平宛然唐相舊經營秋高

林木形容古落日樓臺彩繪明出文愈

綿州 巴西 章明 魏城 羅江

桃花大淳化中州貢羅紅犬常循於御場前太宗不豫犬不食及上仙犬號呼涕泗以至疲瘠見者隕涕參政李至作桃花犬歌以寄史館赤麟白鳳且勿喜願君出此懲浮俗

桃高五丈郡志云天杜崖下有一桃樹高五丈餘張道陵與王長趙昇試法于此桃迄今不朽有碑記之在彰明縣北

題詠綿州州府何磊落顯慶年中越王作孤城西北起高樓碧瓦朱甍照城郭樓下長江百丈清山頭落日半輪明君王舊迹今人賞轉見千秋萬古情出杜人間八月秋霜嚴芙蓉溪上春酣酣二南變盡魯叟筆七國戰處鄒軻談出唐子西詠芙蓉溪在郡北官道傍越王能牧劔南州因向城

隔建此橋橫王遠開千嶠雪暗雷下聽一江流出李詩

樓勁兵重作付胡奴毆雀毆魚計自疎地入萬安知幾

許却憐此邑始回車出張演詠萬安驛唐明皇幸蜀至此而嘆曰一安尚不可况萬安乎

跨險盤危壓古州至今傳號越王樓山分冷翠侵簷滴

水擘寒聲遶檻流出王涪江風月為誰清莫向涪翁問

姓名萬古涪江流不盡漁磯月似舊時明出鮑富樂之

名誰所留建安年中劉豫州擁兵入蜀萬獵貅弄璋送

國來迎頭炙如巴山酒如涪富樂之名此其由唐庚詠富樂山

雅州嚴道 榮經 名山 廬山

周公山舊傳諸葛亮於此夢見周公因立廟為文憲王

廟號周公山

雙鳳堂昔至和中老泉携二子謁太守雷簡夫雷以書

薦于張文定公及韓魏公歐陽文忠公其後樊汝霖作堂以表其事名曰雙鳳

題詠巖巒最高頂雲氣時蔚蒼彷彿羣仙宅宮闕耀珠

貝出巖岩詠蔡山即我聞蒙山之巔多秀嶺煙巖抱合

五峯頂岷峨氣象壓西垂惡草不生生菽茗出吳中復謝惠蒙頂

茶江聲捲出風雷響山色携將圖畫來出李艾詠景勝

茂州汶山汶水

盛夏凝凍汶山郡盛夏凝凍不釋故夷冬則避寒入蜀

庸賃自食夏則反茂避暑習以為常蜀人謂之符氏出華

志陽

風穴汶山縣之南八十里遠通西域凡經過惟此一路

關北當風穴其一二里間晝夜起風飛沙揚石其地名

桃關

題詠辛苦三城戍長防萬里秋煙塵騰火井雨雪閉松

州出杜甫昨夜秋風入漢關朔雲邊雪滿西山更催飛

將追騎騎莫遣沙場匹馬還出杜甫軍城早夷界荒山

頂蠻州積粟邊出杜甫西山

永康導江青城

老澤昔潛夫張不羣入山採藥浹旬不返見一叟致敬

而問之曰吾族本丞相范賢之裔范公知李雄之祚不

永挈吾輩居此為終焉之計圖經云即老澤亦名老人

村

高嶺自大自青城之長平山捫蘿而上由鳥道三十里

許有平阜數十畝高樹蔽天春深先花後葉壯如芙蕖

香類牡丹誰定夫授李浩太素二先生隱其中

題詠自為青城客不唾青城地為愛丈人山丹梯近幽

意出杜甫詩青城山在本縣北三十二里亦為第五大洞寶仙九室之大夕陽塵外漲郊

壚六六峯頭夢覺餘竹色喚人來下馬亂蟬深處有圖

書出范大成詩致爽軒黃塵赤日汗沾裾竹裏煎茶喜有餘堪笑

放翁窮意巧就君池館讀君書出陸游詩致爽軒團團竹色遶

郊居勾引清風百畝餘憶昔敲門蘇內翰而今下馬范

中書出子淳詩致爽軒最勝西峯下林梢四望亭江山觀掌握

梁益布丹青出呂汲公詩飛赴寺割盡齊封奉魯元更

開沁水占名園何如帝子空山外落日騎驢芳草原出

出趙天風夜半剪水花三十六峯如玉立出晁公但覺

辰垂地上不知風雨滿人間出范成大詩上竹覆青城

合江從灌口來出杜甫詩

威州保寧通化

懸珠為飾郡國志婦人多戴金花穿懸珠為飾

無憂城圖經云其城乃李德裕築吐蕃號曰無憂城

題詠窻含西嶺千秋雪門泊東吳萬頃船出杜

邛州臨邛依政安仁大邑火井

虎大邑之鳳凰山文與可記唐契覺道人結庵于

此有虎為之壁地出泉今

高節竹漢張騫奉使尋河源得高節竹植於邛山堪為

杖出蜀

題詠霧山環合自雲川戶有青溪種玉田萬木桃花不

知處幾人曾得問秦年

出張少愈詩青霞嶂與石城山相連

平日蘭溪隱

春雲蕙帳眠定應猿鶴恠歸去執蘆鞭

出范文忠落魄

西州泥酒杯酒酣幾度上琴臺青鞋自笑無拘束又向

文君井上來

出放翁詩文君在臨邛

平生林壑性客宦久羈束得

麾印江隈雖遠愜所數雲水遠重城青山長在目

出榮

詠

火井江潮盤附郭浮屠天際半吾州

出勾龍庭實

把酒孤亭表日留西巖獨擅鶴山秋

出放翁詩翠屏閣西巖

黎州

溪源

見雲知風

白崖山之右有巨穴如井不知淺深穴口四

圍津津如汗間有氣出騰空爲白雲須臾風起怒號如

雷里人見雲即知風氣散則風定細則風小盛則風猛

窒其穴風雖少而民多瘴開則風如故而瘴亦衰

題詠

絕塞邛峽外偏城越雋東山含初夏雪林堰夕陽

風○地僻無參謁民淳少訟爭睡餘兵放教衙退吏歸

耕

並出知郡

窮冬按部極西郵鳥道盤空積雪迷報國

憂民寧憚遠萬重山裏到沉梨

出憲使李師錫按部至此

石泉軍

石泉

龍安

神泉

水面銀線

神泉縣南山有潭相傳有白龍往來其間水

面有銀線一道以物繞之即不見波定如故

神泉

縣西之平地有神泉冬溫而夏沸氣如附子能愈

衆疾

錦繡萬花谷續集卷之十一



卷之十一

終

